



Crynodeb Ein pwrpas a'n cyfeiriad 2011 i 2014



Croeso i'r crynodeb o *Ein Pwrpas a'n Cyfeiriad*, sef cynllun corfforaethol y Comisiwn Coedwigaeth ar gyfer 2011-14. Mae gennym gynllun corfforaethol treigl a adolygir gennym bob blwyddyn: dyma ein diweddariad ar gyfer 2011/12. Gobeithio y bydd o ddiddordeb ac o ddefnydd i chi.

Ein pwrpas

Ni yw Adran Goedwigaeth Llywodraeth Cynulliad Cymru ac rydym hefyd yn rhan o Gomisiwn Coedwigaeth y DU. Rydym yn gweithredu drwy:

- Lunio polisiau am goedwigaeth a chynghori Llywodraeth y Cynulliad (LICC) am faterion sy'n ymwneud â choedwigaeth
- Rheoli Ystad Coetiroedd Llywodraeth y Cynulliad (AGWE) - 38% o goetiroedd Cymru
- Gweinyddu grantiau ar gyfer cynllun creu coetiroedd Glastir a pharhau i roi cymorth grantiau drwy *Goetiroedd Gwell i Gymru* (CGG) a ddaeth i ben i ymgeiswyr newydd ddiwedd 2010. Mae gennym rôl reolaethol hefyd sy'n cynnwys cyflwyno trwyddedau i dorri coed

Rydym yn gweithio ar draws AGWE a choetiroedd sy'n berchen i eraill. **Coedwig Genedlaethol Cymru** yw ei enw ac mae'n cynnwys pob coeden a choetir yng Nghymru nawr ac yn y dyfodol.

Coetiroedd yw 14.3% o arwyneb tiroedd Cymru.

Ceir dau brif fath:

- Coetir cynhenid – coetiroedd bychain yn aml ar diroedd fferm
- Coetiroedd conwydd – a blannwyd yn bennaf yn yr 20fed ganrif

Dangosodd arolwg newydd, sef Rhestr Genedlaethol y Coedwigoedd, a gyhoeddwyd yn Mawrth 2011 fod na amcangyfrif oddeutu 303,500 ha o goetiroedd yng Nghymru. Mae hyn yn uwch na'r amcangyfrifon blaenorol.

Yn 2011/12, byddwn yn derbyn £21.4m oddi wrth LICC. Bydd yr arian hwn a'r incwm y byddwn yn ei greu yn ein cynorthwyo i ddatblygu'r Cynllun Corfforaethol hwn. Mae gennym 378 o weithwyr ledled Cymru. Mae ein swyddfa genedlaethol yn adeilad Swyddfeydd LICC yn Aberystwyth.

Rydym wedi ymrwmo i degwch a chydhabod cydraddoldeb ac amrywiaeth – ar gyfer ein staff ein hunain a'r cyhoedd rydym yn darparu gwasanaeth ar eu cyfer.



Coetiroedd
yw 14.3%
o arwyneb
tiroedd Cymru

Ein cyfeiriad

Arweinir ein gwaith gan *Goetiroedd i Gymru*. Dyma strategaeth 50 mlynedd LICC ar gyfer coetiroedd a choed a gafodd ei diwygio a'i hail-lansio ym mis Mawrth 2009. Rydym hefyd yn cyfrannu at dargedau LICC ar gyfer ynni adnewyddadwy. Mae gan goetiroedd a choed rôl bwysig yn y maes hwn yn ogystal ag mewn meysydd gwaith eraill LICC fel iechyd ac addysg.

Rydym yn canolbwyntio ar naw maes gwaith yn benodol ac rydym yn bwriadu eu defnyddio i fonitro ein perfformiad.

Rydym am gynyddu/gwella yn y meysydd canlynol:

- Coetiroedd a reolir yn gynaliadwy
- Creu coetiroedd
- Coetiroedd a reolir heb dorri rhannau helaeth ohonynt
- Amrywiaeth rhywogaethau coed mewn coetiroedd nad ydynt yn gynhenid
- Lleddfu effaith newid yn yr hinsawdd
- Cysylltiad y cyhoedd â choetiroedd
- Lefel y mentrau sy'n ymwneud â choetiroedd a phren
- Faint o goetiroedd cynhenid sydd yng Nghymru
- Cyflwr coetiroedd cynhenid

Mae ein gwaith yn cynaeafu ac yn marchnata pren a gwarchod safleoedd at ddibenion cadwraeth, yn ogystal â rhoi cyngor a grantiau, i gyd yn cyfrannu at y naw maes hyn.

Y llynedd, ar gais ein Gweinidog, paratowyd astudiaeth gennym a amlinellodd y dewisiadau ar gyfer rôl AGWE nawr ac yn y dyfodol. Mynegodd y Gweinidog ymrwymiad cadarn y byddai'r cyhoedd yn parhau i fod yn berchen ar AGWE. Gofynnodd i ni hefyd fynd ati i geisio cyfleoedd masnachol ar gyfer AGWE a allai roi rhagor o fanteision cymdeithasol, economaidd ac amgylcheddol.



Mae coetiroedd a choed Cymru yn graidd i'n gwaith

Mae pum thema yng *Nghoetiroedd i Gymru*: mae'r thema gyntaf, 'coetiroedd a choed Cymru' yn elfen graidd o'n gwaith ac, yn amlwg, yn rhan annatod o bopeth rydym yn ei wneud. Dyma'r pedair thema arall:


- Ymateb i newid yn yr hinsawdd
- Coetiroedd i bobl
- Sector coedwigoedd cystadleuol ac integredig
- Ansawdd amgylcheddol

Mae bron popeth rydym yn ei wneud yn gysylltiedig â sawl un o'r themâu hyn. Felly, rydym wedi creu 10 rhaglen gorfforaethol ar gyfer ein gwaith sy'n cyd-fynd â meysydd gwaith ein staff i ddangos sut mae ein gwaith 'ar lawr gwlad' yn cyfrannu at *Goetiroedd i Gymru*, fel mae'r diagram ar y dde yn ei ddangos.

Cyhoeddwyd y Cynllun Gweithredu ar gyfer *Coetiroedd i Gymru* ym mis Mawrth 2010. Rydym yn arwain neu'n cyfrannu at dros 50 o'r 83 cam sydd yn y cynllun gweithredu hwn ac rydym wedi'u hymgorffori yn ein cynllun corfforaethol.

Mae gweddill y crynodeb yn amlinellu ein camau yn erbyn ein 10 rhaglen gorfforaethol. Mae'r rhain wedi'u trefnu yn unol â phob thema graidd *Coetiroedd i Gymru* ac mae'n sôn rhagor am ein harian a sut rydym yn monitro ein gwaith.

Diagram o'n Hamcanion a'n Rhaglenni Corfforaethol



Mae i bob rhaglen amcan 'cartref' (a ddangosir fel lliw tywyllach) ond maent hwy hefyd yn cyfrannu i amcanion eraill (a ddangosir mewn lliw goleuach)

Ymateb i newid yn yr hinsawdd

Yn ogystal â gofalu bod coetiroedd a choed yn gallu ymdopi mewn hinsawdd sy'n newid, maent yn bwysig er mwyn lleihau faint o garbon rydym yn ei ddefnyddio.

Mae tanwydd coed yn ffynhonnell ynni nad yw'n defnyddio llawer o garbon cyn belled â bod coed yn cael eu plannu i gymryd lle'r coed blaenorol. O bryd i'w gilydd, gall coed a ddefnyddir yn lle deunyddiau fel concrid neu haearn gloi carbon am gannoedd o flynyddoedd.

Rhaglen Gorfforaethol 1. Rheoli coetiroedd mwy amrywiol

Rheoli coetiroedd yn gynaliadwy, creu coetiroedd mwy amrywiol a chreu rhagor o goetiroedd; dyma ein rhaglen fwyaf.

Ar gyfer 2011/12: Gwariant £11.6m Incwm £10.3m

Y llynedd paratowyd arweiniad gennym am wneud ein coetiroedd yn fwy amrywiol drwy gynyddu amrywiaeth y gwahanol rywogaethau coed rydym yn eu plannu. Caewyd BWW i ymgeiswyr newydd a lansiwyd cynllun grant Creu Coetiroedd newydd Glastir.

Eleni byddwn yn:

- Parhau i gyflwyno tystysgrifau ar gyfer AGWE i gadarnhau bod y coetiroedd hyn yn cael eu rheoli'n gynaliadwy
- Marchnata 770,000m³ o bren o AGWE, gan gynyddu, teneuo a gostwng y rhannau helaeth a dorrrir
- Symud tuag at gyflawni targed Llywodraeth y Cynulliad i greu 100,000 hectar o goetiroedd newydd dros yr 30 mlynedd nesaf drwy Gynllun Creu Coetiroedd Glastir

- Rhoi ein harweiniad gweithredol ar waith ar gyfer amrywiaeth rhywogaethau coed wrth ailblannu ar AGWE; annog amrywiaeth ehangach o rywogaethau coed mewn coetiroedd sydd newydd eu plannu drwy Gynllun Creu Coetiroedd Glastir
- Cyhoeddi rhagor o arweiniad am gynyddu amrywiaeth coetiroedd gan ganolbwyntio ar dorri llai o goed a chynyddu amrywiaeth genedig
- Cefnogi'r rhai eraill sy'n berchen ar goetiroedd i'w rheoli'n gynaliadwy yn unol â Safon Coedwigaeth y DU drwy reoli proses grantiau BWW a datblygu cynllun rheoli coetiroedd Glastir
- Parhau i gynnal cynllun Plant! – mae'r cynllun hwn gan LICC yn cynnwys plannu coeden ar gyfer pob babi newydd a phlant a fabwysiedir yng Nghymru – mewn partneriaeth ag Ymddiriedolaeth y Coetiroedd ac eraill

Rhaglen Gorfforaethol 2. Diogelu coed a'u hiechyd

Diogelu coed a choetiroedd rhag plâu a heintiau fel *Phytophthora ramorum*, yn ogystal â rhywogaethau ymledol fel rhododendron ac anifeiliaid fel ceirw sy'n pori.

Ar gyfer 2011/12: Gwariant £2.9m Incwm £0.1m

Y llynedd fe dorwyd 800 hectar o goed llarwydd gennym ar yr AGWE yn ne Cymru er mwyn rheoli achos o *Phytophthora ramorum*. Dyma haint nodedig sydd wedi heintio coed yng Nghymru.

Eleni byddwn yn:

- Parhau i arwain y gwaith o reoli'r achos o *Phytophthora ramorum* yng Nghymru
- Diogelu AGWE rhag plâu, heintiau ac anifeiliaid sy'n pori
- Cydweithio â Phartneriaeth Menter Ceirw Cymry i weithredu *Strategaeth Rheoli Ceirw Gwyllt* LICC a lansiwyd ym mis Chwefror 2011, a chwblhau ei gynllun gweithredu cysylltiedig

- Cyflawni ein dyletswyddau eraill ym meysydd iechyd planhigion, archwilio achosion o blâu a heintiau a sicrhau bod cynlluniau rheoli ar waith

Rhaglen Gorfforaethol 3. Ynni adnewyddadwy

Cynlluniau coed tanwydd, gwynt cymunedol a phŵer dŵr a'r Cynllun Ynni Gwynt sy'n cyfrannu at bolisiâu ynni adnewyddadwy Llywodraeth y Cynulliad.

Ar gyfer 2011/12: Gwariant £4.2m Incwm £5.0m (Mae incwm o'r Cynllun Ynni Gwynt yn talu am y costau; mae £0.3m yn rhagor o incwm ynni gwynt yn cael ei ddychwelyd i LICC. Cynhyrchir rhagor o incwm drwy werthu biomas, er enghraifft)

Y llynedd cafodd oddeutu 100,000m³ o goed tanwydd a biomas ei farchnata gennym, gan gynnwys 16,000m³ o ddeunyddiau fel malurion na ellir eu darogan.

Eleni byddwn yn:

- Dechrau paratoi safleoedd mewn coedwigoedd ar gyfer datblygiadau ynni gwynt yn ne Cymru (yn Ardal Chwilio Strategol:F) yn ogystal ag amharu cyn lleied â phosibl ar ein gallu i reoli AGWE yn unol â *Choetiroedd i Gymru*
- Cynnig oddeutu 100,000m³ o danwydd coed a chynnyrch biomas i'w werthu
- Dechrau datblygu prosiectau pŵer dŵr, pŵer yr haul a chynnyrch ynni cymunedol ar AGWE
- Rheoli prosiect Cynllun Busnes Ynni Coed 2 i gynorthwyo datblygiad prosiectau tanwydd coed
- Cwblhau'r gwaith o osod systemau gwresogi biodanwydd yn 3 o'n swyddfeydd



Mae gan goetiroedd a choed Cymru ran bwysig i'w chwarae i leihau ein hól-troed carbon

Coetiroedd i bobl

Mae coetiroedd ar gyfer pobl – cyfle i gymunedau ymwneud â'u coetiroedd lleol, datblygu a chynorthwyo busnesau lleol, ac at ddibenion dysgu a hamdden.

Boed yn mynd am dro yn hamddenol neu'n chwysu chwartiau ar feic mynydd, mae mynd o gwmpas coetir yn gallu cynnig manteision o bwys i iechyd a lles. Rydym am fod yn gynhwysol er mwyn i bawb, yn enwedig y rhai nad ydynt wedi ymweld â choetiroedd o'r blaen, allu cymryd rhan a manteisio ar beth sydd ar gael.

Rhaglen Gorfforaethol 4. Cynnwys y cyhoedd a busnesau

Cynnwys y gymuned – o gael llais am sut i ddatblygu coetiroedd i sicrhau bod cymunedau yn rheoli ac yn berchen ar goetiroedd – datblygu busnesau a chreu swyddi.



Ar gyfer 2011/12: Gwariant £1.7m Incwm £0.4m

Y llynedd datblygwyd Fframwaith Cynnwys y Cyhoedd a Mentrau Cymdeithasol gennym i hyrwyddo a hwylyso gweithgareddau ar AGWE.

Eleni byddwn yn:

- Cyflwyno'r cynllun coetiroedd ym Mlaenau'r Cymoedd drwy waith ein swyddog sy'n gyfrifol am brosiect Ardal Adfywio Blaenau'r Cymoedd
- O'n profiad gyda phrosiect Blaenau'r Cymoedd, dechrau gweithio yn Ardal Adfywio Cymoedd y Gorllewin i ddatblygu dull partneriaeth o reoli coetiroedd a choed er mwyn adfywio
- Cynorthwyo sefydliadau coedwigoedd cymunedol ac adolygu effeithiolrwydd y cymorth a roddir
- Hyrwyddo a gweithredu ein Fframwaith Cynnwys y Cyhoedd a Mentrau Cymdeithasol i alluogi mwy o bobl i ymwneud â'r coetiroedd a reolir gennym
- Cydweithio â thîm prosiect Glasir fel bod grantiau ar gael i alluogi'r cyhoedd i ddefnyddio coetiroedd penodol y tu allan i AGWE
- Meithrin sut rydym yn helpu mentrau bach a chanolig i ddefnyddio coetiroedd yn eu busnesau

Rhaglen Gorfforaethol 5. Hamdden a mynediad

Llwybrau cerdded, rhai o'r lleoedd gorau yn y byd ar gyfer beicio mynydd, cyfeiriannu, ratio, marchogaeth, heddwch a llynyddwch cefn gwlad... mae gan goetiroedd Cymru ryw beth i'w gynnig i'r hen a'r ifanc fel ei gilydd.

Ar gyfer 2011/12: Gwariant £4.0m Incwm £1.0m

Y llynedd cawsom arian ar gyfer prosiectau sy'n ymwneud â Chomisiwn Coedwigaeth Cymru yn rhan o *Ganolfannau Rhagoriaeth ar gyfer Beicio*.

Mae'n cynnwys cyfleusterau newydd a gwell ym Mharc Coedwig Coed y Brenin a llwybrau beicio mynydd newydd ym Mharc Coedwig Afan. Cafodd ein Canolfan Ymwelwyr yng Ngarwnant ym Mannau Brycheiniog ei hail-agor gennym hefyd ar ei newydd wedd.

Eleni byddwn yn:

- Cynnal safleoedd hamdden ar AGWE hyd at safon uchel
- Adolygu ein darpariaeth hamdden ar AGWE ar hyn o bryd ac yn y dyfodol gan ystyried twristiaeth gynaliadwy
- Cydweithio â Gwyliau Coedwigoedd i symud datblygiadau newydd ymlaen
- Hyrwyddo cyfleoedd hamdden mewn modd cynhwysol ac annog amrywiaeth eang o bobl i ymweld â choetiroedd a mwynhau eu manteision
- Ar ôl paratoi ein cynllun gweithgarwch ar gyfer beicio oddi ar y ffyrdd yn 2010/11, datblygu rhagor o gynlluniau i gyfeirio'r cyfleoedd hamdden a mynediad a gynigir ar AGWE. Bydd hyn yn cynnwys cynlluniau ar gyfer gweithgareddau'n ymwneud â cheffylau.
- Datblygu partneriaethau i hyrwyddo sut mae defnyddio coetiroedd a choed ar gyfer hamdden o fantais i iechyd a lles

Rhaglen Gorfforaethol 6. Dysgu mewn coetiroedd a sgiliau'r sector

Dysgu mewn coetiroedd ac amdanant; yr Ysgol Goedwig, Menter Addysg Coedwigoedd (FEI); meithrin sgiliau yn sector y coedwigoedd gan gynnwys prentisiaethau a llwybrau gyrfaol; gwirfoddoli.

Ar gyfer 2011/12: Gwariant £1.6m Incwm: £0.02m

Y llynedd paratowyd ymweliadau â choedwigoedd gennym ar gyfer dros 16,000 o blant yn ogystal â chynorthwyo 600 o weithwyr addysg proffesiynol.

Eleni byddwn yn:

- Cynnig ymweliadau addysgol i blant mewn coetiroedd yng Nghymru ac yn rhoi hyfforddiant i weithwyr addysg proffesiynol yn eu hannog i ddefnyddio coetiroedd yn eu gwaith
- Parhau i gefnogi FEI a'i grwpiau cysylltiedig
- Cydweithio â Lantra, LICC ac eraill i feithrin dull o ddatblygu sgiliau ar gyfer sector y coedwigoedd
- Cynnal ein Cynhadledd Coetiroedd ar gyfer Dysgu flynyddol sydd eleni'n cynnwys thema yrfaol i bobl ifanc yn eu harddegau
- Rhoi cynnig ar ein fframwaith newydd ar gyfer cynnig profiad gwaith ar AGWE
- Cyhoeddi a dosbarthu ein canllawiau ar gyfer gwirfoddoli a gwirfoddolwyr ar AGWE

Rhaglen Gorfforaethol 7. Coetiroedd a choed trefol

Manteision ein coed mewn trefi a dinasoedd – oeri, cysgodi, draenio gwell a chyfleoedd i bobl ifanc gymryd rhan.

Ar gyfer 2011/12: Gwariant £0.3m

Y llynedd comisiynwyd Arolwg o Goed Trefol gennym i bennu sylfaen ar gyfer faint o goed sydd mewn ardaloedd trefol yng Nghymru.

Eleni byddwn yn:

- Archwilio ac yn hyrwyddo cyfleoedd ar gyfer coed mewn cynlluniau adfywio canol trefi a datblygiadau trefol a'u manteision drwy gydweithio â phartneriaid Blaenau'r Cymoedd
- Gan adeiladau ar ein gwaith ym Mlaenau'r Cymoedd a Pharc Rhanbarthol y Cymoedd, byddwn yn ymestyn ein gwaith i Ardal Adfywio Cymoedd y Gorllewin a datblygu ein gwaith parthed coetiroedd a choed trefol ymhellach
- Ceisio amlygu cyfleoedd i ariannu prosiectau coetiroedd trefol drwy bartneriaethau



Mae pren yn bwysig fel adnodd adnewyddadwy ac oherwydd ei gyfraniad tuag at economi Cymru

Sector coedwigoedd cystadleuol ac integredig

Mae pren yn bwysig fel adnodd adnewyddadwy ac oherwydd ei gyfraniad tuag at economi Cymru.

Bydd y gwaith ar draws ein rhaglenni yn helpu LICC i gyflawni ei hamcan o gynnal y pren a gynhyrchir ar hyn o bryd ar draws y wlad yn ogystal ag amrywio coetiroedd nad ydynt yn gynhenid yng Nghymru.

Mae sawl un o'r rhaglenni a'r camau eraill yn ein rhaglen hefyd yn cyfrannu at dyfu, cynnal a marchnata pren – rheoli coetiroedd mwy amrywiol, ynni adnewyddadwy, cynnwys y cyhoedd a mentrau, dysgu mewn coetiroedd a sgiliau'r sector yn ogystal ag adfer a rheoli coetiroedd cynhenid a chynefinoedd agored.



Rhaglen Gorfforaethol 8. Hyrwyddo pren a datblygu sector y coedwigoedd

Pren fel adnodd adnewyddadwy allweddol, datblygu sgiliau'r sector, gwell cadwyni cyflenwi a sut y prosesir pren o Gymru yng Nghymru.

Ar gyfer 2011/12: Gwariant £1.0m

Y llynedd cwblhawyd a chyhoeddwyd gennym fersiwn diwygiedig o'n Strategaeth Marchnata Pren ar gyfer 2011–16.


Eleni byddwn yn:

- Darparu rhagolygon dibynadwy ar gyfer faint o bren sydd ar AGWE ac annog perchnogion coetiroedd eraill i wneud yr un fath er mwyn i fusnesau allu cynllunio eu gwaith
- Cynorthwyo gwaith datblygu teclyn gwerthuso pren sy'n mynd rhagddo a pharatoi hierarchaeth o ddefnydd i arwain y diwydiant



- Hyrwyddo gwerth pren coetiroedd bychain ar ffermydd i'w hannog i'w rheoli
- Datblygu prosiect ADEILADU'R UE, os caiff ei gymeradwyo, sy'n ystyried arferion gorau ar gyfer adeiladu drwy ddefnyddio pren mewn adeiladau carbon isel neu ddi-garbon





Rhaid i ni
gefnogi
cadwraeth
cynefinoedd a
rhywogaethau
y rhoddyd
blaenoriaeth
iddynt

Ansawdd amgylcheddol

Gall coetiroedd iach sy'n gwrthsefyll newid yn yr hinsawdd gynnig amrywiaeth o fanteision i ni - fe'u gelwir yn wasanaethau ecosystem - o bren i gyfleoedd hamdden, bioamrywiaeth, cadw carbon a diogelu dŵr a phridd.

Bydd rheoli ein coetiroedd cynhenid ac 'arbennig' mewn Ardaloedd Gwarchodaeth Arbennig (AGA), Ardaloedd Cadwraeth Arbennig (ACA) neu Safleoedd o Ddiddordeb Gwyddonol Arbennig (SoDdGA), safleoedd o bwysigrwydd archeolegol a choetiroedd a choed yn y dirwedd ehangach yn sicrhau bod yr asedau na ellir eu hadnewyddu yn cael eu gwarchod ac o les i Gymru nawr ac yn y dyfodol.

Rhaglen Gorfforaethol 9. Adfer a rheoli coetiroedd cynhenid a chynefinoedd agored

Adfer planhigfeydd ar Safleoedd Coetiroedd Hynafol (PSCH), rheoli coetiroedd cynhenid, adfer cynefinoedd agored (lle ceir rhagor o fanteision amgylcheddol os yw coed yn cael eu symud yn lle gadael yr ardal yn goediog).

Ar gyfer 2011/12: Gwariant £5.4m Incwm £1.3m

Y llynedd boom yn cydweithio â Chyngor Cefn Gwlad Cymru i gwblhau'r prosiect i ddiweddarau Rhestr y Coetiroedd Hynafol yng Nghymru.

Eleni byddwn yn:

- Parhau â phrosiect blaenoriaethu adfer PSCH ar gyfer AGWE
- Mewn partneriaeth â Chyngor Cefn Gwlad Cymru, cyhoeddi fersiwn wedi'i ddiweddarau o Restr y Coetiroedd Hynafol yng Nghymru a rhoi arweiniad ar gyfer ei ddefnyddio

- Cydweithio â Grŵp Ecosystemau Coetiroedd Partneriaeth Bioamrywiaeth Cymru i gwblhau'r prosiect er mwyn amlygu blaenoriaethau ar gyfer creu, ehangu a rheoli coetiroedd cynhenid
- Paratoi arweiniad ar gyfer rheoli coetiroedd cynhenid yng Nghymru
- Parhau i wella ein gwybodaeth am faint o goetiroedd cynhenid sydd yng Nghymru a beth yw eu cyflwr yn ogystal â bodloni ein gofynion cofnodi ar gyfer Cynllun Gweithredu Bioamrywiaeth
- Cynnal prosiect i amlygu blaenoriaethau ar gyfer adfer cynefinoedd mawn ledled Cymru drwy gydweithio â Chyngor Cefn Gwlad Cymru, Asiantaeth Amgylchedd Cymru a gwyddonwyr LICC

Rhaglen Gorfforaethol 10. Amrywiaeth, etifeddiaeth a thirwedd safleoedd

Rheoli a gwarchod rhywogaethau a chynefinoedd sy'n flaenoriaeth, rheoli safleoedd dynodedig, gofalu am drefnadaeth hynafol a diwylliannol sy'n gysylltiedig â choetiroedd a rheoli coetiroedd y dirwedd ehangach yn briodol.

Ar gyfer 2011/12: Gwariant £1.6m Incwm £0.04m

Y llynedd cyhoeddwyd gennym arweiniad gwell yn ogystal â datblygu rhaglenni i gynorthwyo Rhywogaethau a Ddiogelir yn Ewrop mewn coetiroedd.

Eleni byddwn yn:

- Parhau i weithredu Fframwaith Bioamrywiaeth LICC
- Parhau i reoli bioamrywiaeth yn gadarnhaol er lles rhywogaethau a ddiogelir ac sy'n flaenoriaeth ar AGWE ac annog yr un dull ar gyfer coetiroedd eraill
- Sicrhau bod pob safle dynodedig ar AGWE yn cael ei reoli'n dda a bod cynlluniau rheoli wedi'u sefydlu. Annog yr un dull ar gyfer coetiroedd eraill
- Parhau i ddylunio tiriweddau'n dda ar AGWE
- Cyfrannu at reoli Ardaloedd o Harddwch Naturiol Eithriadol (AHNE) a thiriweddau hanesyddol yn ogystal â Henebion Cofrestredig (HC) a safleoedd eraill o bwysigrwydd archeolegol



Ein sefyllfa ariannol

Dyma ein sefyllfa ariannol cyffredinol ar gyfer 2011/12

	Gwariant £M	Incwm £M
Rhaglenni Corfforaethol	34.3	18.2
Cyfalaf	1.7	1.6
Costau rheoli tiroedd (Rhwymedigaethau eraill y Cynulliad parthed coetiroedd)	6.1	0.9
Arian gan LICC		21.4
Cyfanswm	42.1	42.1

Mae costau rheoli tiroedd (rhwymedigaethau eraill y Cynulliad parthed coetiroedd) yn ymwneud â'r gweithgareddau hynny nad ydynt yn rhan o'n rhaglenni corfforaethol ond sy'n gorfod cael eu gwneud gennym fel rheolwyr tiroedd – fel cynllunio ardaloedd coedwigoedd, ffensio, clirio sbwriel, cynnal eiddo a gwaith yn ymwneud â thipiau sbwriel.

Mesur ein perfformiad

Mae ein naw mesurydd perfformiad yn adlewyrchu'r dangosyddion yng *Nghoetiroedd i Gymru* ac felly'n dangos yn uniongyrchol sut rydym yn cyfrannu at gyflawni amcanion y strategaeth hon.

Mae pob un o'r mesuryddion hyn yn rhai hirdymor ond gallwn fonitro cynnydd drwy dargedau tymor byr (3 blynedd) a chanolig (15 mlynedd).

Mae'r mesuryddion hyn yn ymwneud â'r meysydd gwaith a restrwyd gennym ar ddechrau'r llyfryn hwn, sef cynyddu/gwella:

- Coetiroedd a reolir yn gynaliadwy
- Creu coetiroedd
- Coetiroedd a reolir heb dorri rhannau helaeth ohonynt
- Amrywiaeth rhywogaethau coed mewn coetiroedd nad ydynt yn gynhenid
- Lleddfu effaith newid yn yr hinsawdd
- Cysylltiad y cyhoedd â choetiroedd
- Lefel y mentrau sy'n ymwneud â choetiroedd a phren
- Faint o goetiroedd cynhenid sydd yng Nghymru
- Cyflwr coetiroedd cynhenid



Mae gennym gyfres o fesuryddion busnes hefyd sy'n edrych ar sut rydym yn rheoli ac yn datblygu staff ac effeithlonrwydd ein sefydliad.

Mae'r rhain yn cynnwys:

- Bodlonrwydd ac amrywiaeth staff
- Buddsoddi mewn hyfforddiant a datblygiadau a dargedwyd a'r nifer sy'n cymryd rhan
- Penodi staff â'r sgiliau priodol ar gyfer swyddi lle mae angen siarad Cymraeg
- Cyfrifon ac arian nad ydyr ar y llinell sylfaen
- Datganiadau i'w wasg a ddefnyddir gan y cyfryngau
- Cynaliadwyedd busnes – ein mesuryddion 'Ffyrdd Mwy Gwyrdd' – defnyddio llai o ynni, y staff yn cynhyrchu llai o allyriadau carbon o ganlyniad i deithio a gwastraff, ac ailgylchu rhagor

Er bod gennym gynllun corfforaethol 'treigl', mae ein targedau tair blynedd gyfredol ar gyfer mesur perfformiad a busnes yn berthnasol ar gyfer rhwng mis Ebrill 2009 a mis Mawrth 2012. Eleni, byddwn yn gosod targedau ar gyfer y 3 blynedd nesaf 2012/13 - 2014/15.

Bydd ein hadroddiad blynyddol a'n cyfrifon yn rhoi'r sefyllfa ddiweddaraf mewn cysylltiad â'r targedau.





Gellir cael mwy o fanylion o'n gwaith yn ein cynllun corfforaethol llawn 'Ein pwrpas a'n cyfeiriad' sydd ar gael ar ein gwefan yn: www.forestry.gov.uk

Gallwch gael y cyhoeddiad hwn mewn print bras ac mewn ffurfiau eraill (e.e. Braille, tâp sain) drwy gysylltu â'r Comisiwn Coedwigaeth ar y rhif ffôn neu'r cyfeiriad e-bost isod:

Comisiwn Coedwigaeth Cymru

Ffôn: 0300 068 0300 Ffacs: 0300 068 0301

E-bost: fcwenquiries@forestry.gsi.gov.uk

(Bydd pris galwadau i rifau 0300 ar gyfradd 'Lo-call', bydd hyn yr un pris waeth o ble bynnag rydych yn ffonio.)

Gallwch gysylltu â ni hefyd am wybodaeth am gyfieithiadau, neu drefnu i swyddog eich ffonio er mwyn esbonio unrhyw ran(nau) o'r cyhoeddiad hwn y dymunech gael eglurhad arnynt.

Lluniau: Mae'r holl luniau yn Hawlfraint y Goron o Lyfrgell Luniau'r Comisiwn Coedwigaeth oni bai y nodir fel arall.

Dyddiad cyhoeddi Ebrill 2011

